

# Ribolov u Švedskoj



Sportfiskarna

Finansirala Švedska agencija za  
zaštitu okoliša (Naturvårdsverket)

# Ribolov u Švedskoj

Ribolov je zabavan i uzbudljiv hobi u kojem se može uživati tokom cijele godine. U Švedskoj svako ima pravo pristupa prirodi kroz Pravo javnog pristupa. To se pravo mora upražnjavati odgovorno.

Iako se pravo pristupa ne odnosi na sam ribolov, ono olakšava vaše pristupanje ribolovnim vodama i pronalazak savršenog mjesta. Ovdje su objašnjena vaša prava i odgovornosti uz neke korisne savjete o ribolovu u Švedskoj.

*Pravo pristupa prostoru na otvorenom pruža velike mogućnosti za odgovornu rekreaciju i turizam na otvorenom.*



## Pravo javnog pristupa

U Švedskoj je pravo javnog pristupa definirano Ustavom. Možete provoditi onoliko vremena koliko želite na otvorenom sve dok nikoga ne ometate, ništa ne oštetite ili ne uništite. Imajte na umu da mjesto uvijek morate ostaviti u stanju u kakvom ste ga zatekli zbog očuvanja prirodnog okruženja i kako bi i drugi mogli uživati u njemu. U Švedskoj se smatra prekršajem ostaviti smeće iza sebe. Kada napuštate mjesto, ponesite sa sobom nepotreban najlon i ostalo smeće.

Osim što trebate paziti da ne ometate divlje ptice, životinje i biljke, važno je razmišljati i o drugim ljudima oko vas. Postupajte ljubazno i obzirno kada ste u blizini neke kuće i ne ulazite u tuđi vrt.

Nikada ne idite rutom gdje postoji rizik da nanese štetu zemlji, kao što su mjesta gdje rastu usjevi ili mjesta koja su zasijana. Ovo je prekršaj, što je po švedskom zakonu kazneno djelo.

Možete kratko pristati uz mol ili obalu, pod uslovom da se mol ne graniči s nečijom kućom i da ne blokirate prolaz vlasniku zemljišta.

Ako nema dovoljno mjesta za nekoliko ribolovaca na istom mjestu, osoba koja je stigla prva može pecati na tom mjestu. Poštujte ostale ribolovce i držite se na odgovarajućoj udaljenosti jedni od drugih.



*Ako želite kampirati pored ribolovne vode, možete postaviti šator na to mjesto. Ako ste u grupi ljudi ili želite ostati na tom mjestu duže od jedne noći, pitajte vlasnika zemljišta za dopuštenje.*

Prava javnog pristupa se odnose i na korištenje plovila. Obratite pažnju da ne ometate druge stvaranjem nepotrebne buke ili visokih valova. Kada koristite brod, od vas se očekuje da znate pravila i propise koji se primjenjuju za plovni put na kojem se nalazite.

Za razliku od plovnog prometa, prava pristupa su ograničena za vozila na kopnu. Pravo pristupa prostoru na otvorenom uglavnom je vezano na pristup pješacima. Uvijek poštuajte pravilo da ne smijete voziti na privatnim cestama i zapamtite da nije dopuštena nikakva vožnja izvan ceste.

Vožnja na zaleđenom jezeru je dopuštena, ali pravo na to može biti ograničeno ako je ono popularno za klizanje na ledu, ribolov na ledu i druge aktivnosti na otvorenom.

Propisi o prometu za ceste na kopnu također se primjenjuju pri vožnji na "zimskim cestama" na ledu.


## Ribolovne vode

Bez obzira na to jeste li Šveđanin/Šveđanka ili ne, udičarenje, odnosno pecanje sa štapom, najlonom i udicom dozvoljeno je na obalama Švedske i jezerima Vättern, Vänern, Mälaren, Hjälmaren i Storsjön u okrugu Jämtland (prikazanim na karti).

Ako želite pecati na drugom mjestu, u takozvanim privatnim vodama, morate provjeriti da li je ribolov tu dopušten, a zatim zatražiti dozvolu vlasnika ribolovnih prava. Ribolovnu dozvolu za mnoga jezera i vodene puteve možete kupiti na [www.fiskekort.se](http://www.fiskekort.se) i [www.ifiske.se](http://www.ifiske.se).



## Jednostavan ribarski čvor



*Obratite pažnju da prije nego što zategnete čvor ovlažite najlon!*

## Vrste ribolova

Bez obzira na vrstu ribolova koju upražnjavate, važno je zapamtiti da ne nosite sa sobom više ribe nego što vam je potrebno! Ako namjeravate zadržati ribu, ubijte je odmah i držite je na hladnom mjestu do kuhanja. Informacije o minimalnim veličinama ribe i ograničenjima ulova dostupne su na [www.svenskafiskeregler.se](http://www.svenskafiskeregler.se).

## Udičarenje

Udičarenje može biti jednostavno ili izazovno, već kako želite. Osnovni pribor je štap, najlon, uteg i udica. Postavite uteg tako da plovak potone toliko da se iznad površine vode vidi samo vrh. Kada vidite da je plovak potonuo ispod površine, povucite štap prema gore kako bi se udica uhvatila u ustima ribe.

Možete koristiti crve, larve, gusjenice, slatki kukuruz, tijesto, račiće, hljeb ili komade ribe kao mamac.



## Spin ribolov

Spin ribolov uključuje zabacivanje i povlačenje mamca, tako da su ribe u iskušenju da ga zagrizu. Spin ribolov je pouzdana metoda u gotovo svim jezerima.

Možete koristiti mnoge vrste mamaca za spin ribolov, kao što su leptiri, kašike, teturavci i svjetleći mamci.

Leptiri se lako zabacuju i predstavljaju dobar mamac za razne vrste riba. Lovite ribu na različitim dubinama i pokušajte povlačiti mamac prema sebi različitim brzinama.

## Ribolov na ledu

Ribolov na ledu obavlja se na zaleđenom jezeru, najčešće koristeći leptir varalice ili Mormiška mamce.

Izbušite rupu na ledu, spuštajte najlon dok ne osjetite da je mamac dodirnuo dno i zatim ga povucite prema gore za oko pet centimetara. Zatim lagano trzajte najlon na svakih pet sekundi dok ne ulovite ribu.

Ako neko vrijeme nema nikakve aktivnosti, neka mamac dotakne dno još nekoliko puta, ili jednostavno probušite novu rupu i ponovo okušajte svoju sreću.

*Led mora biti najmanje deset centimetara debeo da biste bili sigurni dok hodate po njemu. Nikada nemojte ići na led sami. Uvijek nosite cipele sa šiljcima, kao i šiljak za led i dugo uže. Uvijek držite mobilni telefon u voodootpornoj futrolji.*



## Naše četiri najčešće vrste riba

### Grgeč

Grgeč možete pecati i ljeti i zimi koristeći bilo koji način ribolova. Često ćete ih naći u blizini sitovke i trske, grebenova i izvora. Grgeč se može uhvatiti uz pomoć crva, leptira, varalica, svjetlećih mamaca i leptir varalica.



### Bodorka

Riba u blizini obale, najčešće oko sitovke i trske. Koristite crve, hljeb, larve ili slatki kukuruz na malim udicama. Bodorka je ukusna kada je dimljena ili kada se od nje prave riblje okruglice.

### Štuka

Najbolje vrijeme za ribolov na štuke je jesen, zima i proljeće. Riba u blizini trske ili oko grebenova i stijena koje dosežu duboko u vodu. Koristite kašike, varalice, leptire i svjetleće mamce. Uvijek vraćajte velike štuke u vodu i provjerite postoje li posebna pravila za vode u kojima ćete pecati.



### Smeđa pastrmka

Postoje različiti oblici smeđe pastrmke koji ovise o okruženju u kojem žive. U te oblike spadaju morska pastrmka, jezerska pastrmka i rješna pastrmka. Najlakši način da ulovite smeđu pastrmku je pomoću kašika, teturavaca ili muha. Morske pastrmke možete pecati tokom proljeća, jeseni i zime uz obalu. Rječne pastrmke je zabavno pecati uz pomoć crva.



## Pravo javnog pristupa

[www.allemansratten.se](http://www.allemansratten.se)

## Dozvole za ribolov

[www.fiskekort.se](http://www.fiskekort.se)

[www.ifiske.se](http://www.ifiske.se)

## Propisi

[www.svenskafiskeregler.se](http://www.svenskafiskeregler.se)

## Rijetke i zaštićene vrste

[www.havochvatten.se](http://www.havochvatten.se)

## Kontakt podaci za sve upravne odbore

[www.lansstyrelsen.se](http://www.lansstyrelsen.se)

## Savjeti za udičare

[www.sportfiskarna.se](http://www.sportfiskarna.se)

## Sigurnost na ledu

[www.issakerhet.se](http://www.issakerhet.se)



Sportfiskarna

Finansirala Švedska agencija za  
zaštitu okoliša (Naturvårdsverket)